



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅԱՆ Տ Ն Օ Ր Ե Ն

Երևան-1, Նալբանդյան փ. 104

« 19 » 08 2015 թ.

№ 11/843

Օր. 7.

«Կառավարության աշխատակազմի
ղեկավար-նախարար
պարոն Դ. ԱՐՈՒԹՅՈՒՆՅԱՆԻՆ»

Ի կատարումն «վարչապետի 13.08.2015թ.
N 02/12.10/13915-15 հանձնարարականի

Հարգելի պարոն նախարար

| | |
|------------------------------------|------------|
| Հ.Հ. ԿԵՐԱՎԱՐՈՒԹՅԱՆ ՍՇՆՈՒՄԱՆ ՍՏՆ | |
| ՐՆԳ | 053-26760 |
| ՄԱՍԻՆ | 20 08 2015 |

Ձեզ եմ ուղարկում «Ֆինանսների նախարարության դիտողությունների և առաջարկությունների հիման վրա «Հայաստանի Հանրապետության կառավարության և Վրաստանի կառավարության միջև սահմանային ներկայացուցիչների-սահմանային կոմիսարների գործունեության մասին» համաձայնագրի լրամշակված տարբերակը: Նշված դիտողությունների և առաջարկությունների վերաբերյալ հայտնում ենք հետևյալը.

1. Նախագծի 8-րդ հոդվածի 1-ին մասի համար Համաձայնագրում առանձին ակտի ձև սահմանելը չունի որևէ գործնական անհրաժեշտություն: Այսպես, նշված նորմի համաձայն՝ Կողմերի սահմանային ներկայացուցիչները սահմանում են ծառայողական նամակագրության փոխանակման կետեր, ինչպես նաև տեխնիկական կապի միջոցների օգտագործման կարգը, որի նպատակն է ապահովել ծառայողական նամակագրության շուրջօրյա ընդունումը և փոխանցումը: Յուրաքանչյուր տեղեկատվության փոխանցման տեղը, ժամանակը և կարգը սահմանային ներկայացուցիչները որոշում են առանձին՝ հաշվի առնելով այն առանձնահատկությունները, թե փոխանցվող նամակագրությունը տվյալ դեպքում ինչին է վերաբերում, օրինակ՝ ընտանի կենդանիների ու գույքի, ձերբակալված անձի կամ դիակի հանձնմանը: Ելնելով դեպքերի ու հանգամանքների առանձնա-

հատկություններից՝ սահմանային ներկայացուցիչները փոխադարձ պայմանավորվածության հիման վրա կկազմեն ակտերի, ստացականների և այլ փաստաթղթերի նմուշները, իսկ անհրաժեշտության դեպքում շտապ կարգով դրանցում կկատարեն փոփոխություններ, ինչը կապահովի Համաձայնագրի պատշաճ և արագ կատարումը:

2. Նախագծի 12-րդ հոդվածի «ժ» կետում «դիպչում են» բառերը «առնչվում են» բառերով փոխարինելը ընդունելի է:

3. Նախագծի 13-րդ հոդվածի 2-րդ մասին վերաբերող սահմանային միջադեպերի համատեղ հետաքննության արդյունքների մասին նախապես ակտի ձև սահմանելը հնարավոր չէ, որովհետև դրանք վերաբերում են Համաձայնագրի 12-րդ հոդվածում սահմանված բազմաթիվ միջադեպերին և յուրաքանչյուր միջադեպի անհամապատասխան հատկություններով պայմանավորված սահմանային ներկայացուցիչները, իրենց պետությունների ազգային օրենսդրության պահանջների համաձայն, համապատասխան ծառայությունների օգնությամբ իրականացնում են համատեղ հետաքննություններ: Բացի այդ, նշված հոդվածը հնարավորություն է տալիս, որպեսզի սահմանային ներկայացուցիչները անհրաժեշտության դեպքում ակտից բացի կազմեն նաև այլ փաստաթղթեր և հետևաբար նախնական ակտի ձև սահմանելու իմաստն ու անհրաժեշտությունը բացակայում է:

Առդիր՝ 1. Համաձայնագրի նախագիծը՝ 20 թերթից,
2. լազերային սկավառակ:

Հարգանքով՝



Գ. ՀԱԿՈՒԲՅԱՆ

Համաձայնագիր

Հայաստանի Հանրապետության կառավարության և Վրաստանի կառավարության միջև սահմանային ներկայացուցիչների – սահմանային կոմիսարների գործունեության մասին

Հայաստանի Հանրապետության կառավարությունը և Վրաստանի կառավարությունը (այսուհետ՝ Կողմեր), ձգտելով բարիդրացիական հարաբերությունների զարգացմանը և պետական սահմանի ռեժիմի ապահովման գործում սահմանապահ գերատեսչությունների համագործակցության աջակցմանը,

ընդունելով իրենց պետական սահմանների պահպանության ուղղությամբ անկախ պետությունների՝ միջոցներ ձեռնարկելու անքակտելի իրավունքը,

ղեկավարվելով 2011թ. նոյեմբերի 29-ին Վրաստանի ներքին գործերի նախարարության և Հայաստանի Հանրապետության կառավարությանն առընթեր ազգային անվտանգության ծառայության միջև կնքված սահմանապահ ոլորտում համագործակցության մասին Համաձայնագրի սկզբունքներով,

նշելով Վրաստանի և Հայաստանի Հանրապետության սահմանային ներկայացուցիչների – սահմանային կոմիսարների մասնակցության անհրաժեշտությունը սահմանապահ համագործակցությանն աջակցելու և սահմանային միջադեպերը կանխելու գործում, իսկ դրանց առաջացման դեպքում իրականացնել համակարգում համապատասխան ծառայությունների միջոցով՝ դրանց արագ հետաքննման և կարգավորման ապահովման հարցում,

համաձայնեցին ներքոհիշյալի մասին.

Հոդված 1

1. Վրաստանի և Հայաստանի Հանրապետության սահմանային ներկայացուցիչները և նրանց տեղակալները նշանակվում են Կողմերի պետությունների գործող օրենսդրության համաձայն:
2. Սահմանային ներկայացուցիչների և նրանց տեղակալների նշանակման մասին Կողմերը գրավոր տեղեկացնում են միմյանց տեխնիկական/էլեկտրոնային միջոցներով՝ նշելով կեցության վայրը,

ազգանունները, անունները և հայրանունները, լիազորությունները և գործունեության հատվածները:

3. Կողմերի իրավասու մարմիններն են՝
 - Հայաստանի Հանրապետության Կառավարությանն առընթեր Ազգային անվտանգության ծառայությունը
 - Վրաստանի ներքին գործերի նախարարությունը
4. Սահմանային ներկայացուցիչների պարտականությունները կատարելիս սահմանային ներկայացուցիչների տեղակալները օգտվում են նույն իրավունքներից, ինչ որ սահմանային ներկայացուցիչները:

Հոդված 2

1. Սահմանային ներկայացուցիչները իրականացնում են իրենց վրա դրված պարտականությունները իրենց գործունեության հատվածների սահմաններում փոխադարձ համագործակցության հիման վրա իր պետության պետական օրենսդրության և այն միջազգային պայմանագրերի համաձայն, որոնց մասնակիցներն են Վրաստանը և Հայաստանի Հանրապետությունը: Սահմանային ներկայացուցիչները կատարում են իրենց պարտականությունները պետական սահմանի հատվածների սահմաններում, որոնք սահմանված են Սահմանային ներկայացուցիչների գործունեության հատվածների մասին արձանագրությամբ (Արձանագրություն N°1), ինչպես նաև սույն Համաձայնագրով սահմանված լիազորություններին համապատասխան:

2. Սահմանային ներկայացուցիչների գործունեության հատվածների փոփոխման դեպքում Կողմերը գրավոր տեղեկացնում են միմյանց տեխնիկական միջոցներով:

3. Գրավոր լիազորությունները (Արձանագրություն N°2) տրվում են՝

Վրաստանի սահմանային ներկայացուցիչներին և նրանց տեղակալներին՝ Վրաստանի կառավարության կողմից:

Հայաստանի Հանրապետության սահմանային ներկայացուցիչներին և նրանց տեղակալներին՝ Հայաստանի Հանրապետության կառավարության կողմից:

Հոդված 3

1. Սահմանային ներկայացուցիչների գործունեության ապահովման համար նշանակվում են օգնականներ, քարտուղարներ, ծառայողական նամակագրության ընդունման և փոխանցման համար լիազորված անձինք, ինչպես նաև կարող են ներգրավվել թարգմանիչներ, փորձագետներ և այլն:

2. Սահմանային ներկայացուցիչների օգնականները կատարում են սահմանային ներկայացուցիչների կողմից սահմանված պարտականությունները՝ համաձայն իրենց ազգային օրենսդրության: Սահմանային ներկայացուցիչները տալիս են գրավոր լիազորություններ սահմանային ներկայացուցիչների օգնականներին, վկայականներ՝ քարտուղարներին և թարգմանիչներին, սահմանը երկու կողմ մեկանգամյա հատման վկայականներ (Հավելվածներ N°N° 3-5):

Հոդված 4

Սահմանային ներկայացուցիչները իրենց գործունեության հատվածների սահմաններում՝

ա) ձեռնարկում են բոլոր անհրաժեշտ միջոցները սահմանային միջադեպերի կանխման, առաջացման դեպքում դրանց հետաքննման և կարգավորման ուղղությամբ.

բ) հսկում են Կողմերի կողմից սահմանված պետական սահմանի հատման կանոնների պահպանումը և ձեռնարկում են միջոցներ սահմանված կարգի խախտմամբ պետական սահմանի հատումը կանխելու ուղղությամբ.

գ) համապատասխան պետական մարմինների հետ համատեղ ձեռնարկում են անհրաժեշտ միջոցներ, որոնք ուղղված են պետական սահմանում անօրինական միգրացիայի, մաքսանենգության և այլ տեսակի իրավախախտումների դեմ պայքարին.

դ) համապատասխան պետական մարմինների առաջարկությամբ մասնակցում են մարդկանց դիերի ճանաչման գործընթացին և ձեռնարկում են դրանց փոխանցմանն ուղղված միջոցներ.

ե) պետական կառավարման և շրջակա միջավայրի պաշտպանության լիազորված մարմինների հետ համատեղ ապահովում են պետական սահմանում տնտեսական աշխատանքների և այլ գործունեության կատարման, սահմանային ջրամբարներում ջրօգտագործման, ինչպես նաև որսի և ձկնորսության կանոնների պահպանման պատշաճ վերահսկողություն.

զ) ժամանակին տեղեկացնում են միմյանց պետական սահմանով համաճարակների, կենդանիների համաճարակների, գյուղատնտեսական վնասատուների, հրդեհների, բնածին աղետների և տեխնածին վթարների տարածման սպառնալիքների մասին.

է) համակարգում են պետական սահմանի ռեժիմի պահպանության ապահովման հետ կապված հարցերը:

Հոդված 5

1. Սահմանային ներկայացուցիչները աշխատում են համատեղ, որպես կանոն, նիստերին կամ հանդիպումներին:

2. Սահմանային ներկայացուցիչների նիստերը կամ հանդիպումները անցկացվում են Կողմերից մեկի առաջարկով: Կողմերը նախապես տեղեկացնում են միմյանց նիստի կամ հանդիպման օրակարգի, մասնակիցների կազմի, անցկացման վայրի և ժամանակի մասին:

3. Առանձին դեպքերում նիստերին կամ հանդիպումներին սահմանային ներկայացուցիչների միջև փոխադարձ պայմանավորվածությամբ կարող են քննարկվել նախկինում քննարկման համար չնախատեսված հարցեր:

4. Նիստի կամ հանդիպման անցկացման մասին առաջարկին պատասխանը պետք է ներկայացվի հանդիպման նախաձեռնող Կողմին հնարավորինս կարճ ժամկետներում, սակայն ոչ ուշ, քան 48 ժամ առաջ (նշված ժամկետները հաշվելու դեպքում չպետք է հաշվի առնել Կողմերի պետությունների գործող աշխատանքային օրենդրությամբ սահմանված ոչ աշխատանքային օրերը և հանգստյան օրերը): Ընդ

որում քննարկման համար կարող են առաջարկվել լրացուցիչ հարցեր, ինչպես նաև նիստի կամ հանդիպման անցկացման այլ ժամանակ կամ վայր:

5. Նիստին կամ հանդիպմանը պետք է ներկա գտնվեն Կողմերի սահմանային ներկայացուցիչները: Եթե դա հնարավոր չէ, ապա նիստին կամ հանդիպմանը մասնակցում է նրա տեղակալը, ինչի մասին սահմանապահ ներկայացուցիչը՝ հանդիպման նախաձեռնողը, տեղեկացնում է նիստի կամ հանդիպման մեկնարկից ոչ ուշ, քան 24 ժամ առաջ:

6. Սահմանային ներկայացուցիչների նիստերին և հանդիպումներին կարող են մասնակցել նրանց տեղակալները, օգնականները, քարտուղարները, թարգմանիչները, իսկ անհրաժեշտության դեպքում՝ փորձագետները և այլ անձինք:

Սահմանային ներկայացուցիչների օգնականների հանդիպումներին կարող են մասնակցել քարտուղարները, թարգմանիչները, անհրաժեշտության դեպքում՝ փորձագետները և այլ անձինք:

7. Այն հարցերը, որոնք չեն պահանջում անձնական հանդիպումներ, կարող են լուծվել ծառայողական նամակագրության կամ կապի տեխնիկական միջոցների ճանապարհով:

8. Սահմանային ներկայացուցիչները պայմանավորված ժամկետներում տեղեկացնում են միմյանց՝ ընդունված նիստերի կամ հանդիպումների ժամանակ որոշումների կատարման համար իրականացված միջոցների մասին:

Հոդված 6

1. Սահմանային ներկայացուցիչները տարվա սկզբում պատրաստում և համաձայնեցնում են միմյանց հետ համատեղ միջոցառումների տարեկան պլանը:

2. Սահմանային ներկայացուցիչների պլանային նիստերը կամ հանդիպումները անց են կացվում նվազագույնը տարին 2 անգամ:

3. Սահմանային ներկայացուցիչների և նրանց տեղակալների, օգնականների պլանային հանդիպումները անց են կացվում, որպես կանոն, հերթականությամբ կողմերի պետությունների տարածքում, արտապլանայինները՝ հանդիպումը նախաձեռնող պետության տարածքում:

4. Սահմանային ներկայացուցիչների օգնականների հանդիպումը անց է կացվում սահմանապահ ներկայացուցիչների հանձնարարությամբ:

Հոդված 7

1. Սահմանապահ ներկայացուցիչների նիստերի և հանդիպումների արդյունքներով կազմվում է համատեղ արձանագրություն, որտեղ նշված են՝ օրակարգը, մասնակիցների կազմը, նիստի կամ հանդիպման ընթացքը, ընդունված որոշումները և դրանց կատարման ժամկետները:

2. Նիստի կամ հանդիպման արձանագրությունը կազմվում է 2 օրինակից, յուրաքանչյուրը՝ վրացերեն, հայերեն և ռուսերեն լեզուներով, ամրագրվում է սահմանային ներկայացուցիչների ստորագրությամբ և դրոշմային կնիքներով:

3. Նիստերի և հանդիպումների արձանագրությունները ուժի մեջ են մտնում նրանց փոխանակման պահից:

4. Անհրաժեշտության դեպքում, սահմանային ներկայացուցիչ ցուցումով կազմվում է սահմանային ներկայացուցիչների կողմից հաստատված սահմանային ներկայացուցիչների, տեղակալների և օգնականների հանդիպումների արձանագրությունը:

Հոդված 8

1. Սահմանային ներկայացուցիչները փոխադարձ պայմանավորվածությամբ պետական սահմանում սահմանում են հանդիպումների և ծառայողական նամակագրության փոխանակման կետեր, ինչպես նաև տեխնիկական կապի միջոցների օգտագործման կարգը: Անձինք, ովքեր լիազորված են ապահովել ծառայողական նամակագրության ընդունումը և փոխանցումը, պարտավոր են իրականացնել ծառայողական նամակագրության շուրջօրյա ընդունումը և փոխանցումը:

2. Սահմանային ներկայացուցիչները ձերբակալված անձանց, ինչպես նաև մարդկանց դիերի, ընտանի կենդանիների և գույքի փոխանցումը իրականացնում են համապատասխան Կողմերի պետությունների գործող օրենսդրության համապատասխան: Յուրաքանչյուր նման փոխանցման տեղը, ժամանակը և կարգը սահմանային ներկայացուցիչները որոշում են առանձին:

3. Սահմանային ներկայացուցիչները փոխադարձ պայմանավորվածության հիման վրա կազմում են ակտերի, ստացականների և այլ փաստաթղթերի նմուշները, որոնք ձևակերպվում են ձերբակալված անձանց, մարդկանց դիերի, կենդանիների, գույքի փոխանցման, ծառայողական նամակագրության ընդունման և փոխանցման ժամանակ, ինչպես նաև այլ գործողությունների կատարման դեպքում՝ համապատասխան սույն Համաձայնագրի դրույթների:

4. Ձերբակալված անձանց, մարդկանց դիերի, ընտանի կենդանիների և գույքի փոխանցումը իրականացվում է անմիջապես սահմանային ներկայացուցիչների, տեղակալների, կամ նրանց հանձնարարությամբ՝ օգնականների միջոցով:

Հոդված 9

1. Սահմանային ներկայացուցիչները, նրանց տեղակալները, օգնականները, քարտուղարները, թարգմանիչները և փորձագետները իրենց պարտականությունների կատարման համար սույն Համաձայնագրի շրջանակներում հատում են պետական սահմանը հատուկ սահմանված կետերում կամ համապատասխանեցված վայրերում:

2. Սահմանային ներկայացուցիչները, նրանց տեղակալները և օգնականները պետական սահմանը հատում են գրավոր լիազորությունների հիման վրա /Հավելված №№2,3/, քարտուղարները և թարգմանիչները՝ վկայականների հիման վրա /Հավելված №4/, հրավիրված համատեղ աշխատանքի համար փորձագետները և անձինք՝ սահմանի երկու կողմ մեկանգամյա հատման համար վկայականների հիման վրա /Հավելված №5/:

3. Սահմանային ներկայացուցիչների, նրանց տեղակալների և օգնականների, ինչպես նաև քարտուղարների և թարգմանիչների վկայականների վավերացումը իրականացվում է Կողմերի սահմանային ներկայացուցիչների նիստերին:

4. Պետական սահմանի հատման իրավունքի մասին փաստաթղթի կորստի դեպքում սույն Համաձայնագրի դրույթների համապատասխան, փաստաթղթի տերը պետք է անհապաղ տեղեկացնի դրա մասին իր պետության սահմանային ներկայացուցչին, ով չեղյալ կհամարի կորցրած փաստաթուղթը և կտեղեկացնի պատահածի մասին հարակից պետության սահմանային ներկայացուցչին:

Հոդված 10

1. Սույն Համաձայնագրի դրույթների համաձայն, սահմանային ներկայացուցիչներին, նրանց տեղակալներին, օգնականներին, քարտուղարներին, թարգմանիչներին և փորձագետներին, իրենց վրա դրված պարտականությունները կատարելիս, երաշխավորվում է անձնական անվտանգությունը, ինչպես նաև նրանց առջև դրված խնդիրների կատարման համար անհրաժեշտ փաստաթղթերի և գույքի անձեռնմխելիությունը: Նշված անձինք ունեն սահմանված համազգեստ կրելու իրավունքը:

2. Յուրաքանչյուր Կողմը իր վրա է վերցնում իր տարածքում սույն Համաձայնագրի կատարման հետ կապված բոլոր ծախսերը, նիստերի կամ հանդիպումների անցկացման հետ կապված ծախսերը կրում է այն Կողմը, որի տարածքում անց է կացվում նիստը կամ հանդիպումը:

Հոդված 11

Համապատասխան իրենց պետության օրենսդրությանը սահմանային ներկայացուցիչները փոխանակվում են տեղեկատվությամբ.

ա/ պետական սահմանի անօրինական հատման փաստերի մասին.

բ/ պետական սահմանի վրա կազմակերպությունների և առանձին անձանց գործունեության մասին, կապված անօրինական միգրացիայի, մաքսանենգության և այլ տեսակի իրավախախտումների հետ.

գ/ պետական սահմանին մոտ մարդկանց կամ կենդանիների վտանգավոր վարակիչ հիվանդությունների առաջացման, ինչպես նաև գյուղատնտեսական և անտառային վնասատուների մասսայական տարածման, հրդեհների, ջրհեղեղների և այլ բնածին աղետների և տեխնածին վթարների մասին;

դ/ ենթադրվող գործողությունների /սպառնալիքների/ մասին, որոնք կարող են վնաս հասցնել երկրորդ Կողմի պետական անվտանգությանը և պետության հետաքրքրություններին, ինչպես նաև սահմանային միջադեպերի կանխման նպատակով ընդունված միջոցների մասին.

ե/ սահմանի ռեժիմի պահպանության վրա ազդող այլ հարցերի մասին:

Հոդված 12

Սահմանային միջադեպերի կարգավորման համար, ինչպես նաև պետական սահմանի ռեժիմի տարբեր տեսակի խախտումների կանխման նպատակով, սահմանային ներկայացուցիչները համապատասխան ծառայությունների օգնությամբ անց են կացնում համատեղ հետաքննություններ հետևյալ դեպքերում.

ա/ մեկ պետության պետական սահմանի կողմից մյուս պետության անձանց կամ տարածքների կրակոցների, այդ թվում նաև կրակոցների, որոնք առաջացրել են մարդկանց մահ կամ մարմնական վնասվածքներ, գույքի վնաս և այլ ծանր հետևանքներ.

բ) անձանց և տրանսպորտային միջոցների կողմից պետական սահմանի ապօրինի հատում.

գ) թռչող ապարատների և լողամիջոցների կողմից պետական սահմանի խախտում.

դ) պետական սահմանով մաքսանենգ ապրանքներ անցկացնելու փորձեր.

ե) Կողմերի սահմանապահ գերատեսչությունների պաշտոնատար անձանց կողմից՝ ծառայողական պարտականությունների կատարման ընթացքում պետական սահմանի պատահական հատում.

զ) բնածին աղետների և տեխնածին վթարների կամ այլ հանգամանքների հետևանքով մյուս Կողմի պետության տարածք ընկած լողամիջոցների, ձկնորսական գործիքների և այլ գույքի հայտնաբերում.

է) սահմանային նշանների և սահմանային այլ շինությունների (այդ թվում՝ նաև գետերում և ջրավազաններում) տեղափոխում, վնասում և ոչնչացում.

ը) ընտանի կենդանիների կողմից պետական սահմանի անցում.

թ) պետական սահմանով հրդեհի տարածում.

ժ) պետական սահմանի ռեժիմի այլ խախտումներ, որոնք դիպչում անցվում են Կողմերի պետական շահերին, սակայն հարցի լուծում չեն պահանջում դիվանագիտական ուղիներով:

Հոդված 13

1. Սույն Համաձայնագրի հոդված 12-ում նշված միջադեպերի հանգամանքների պարզաբանումն անց է կացվում սահմանային ներկայացուցիչների միջև սահմանված կարգով: Սահմանային միջադեպերի համատեղ հետաքննությունն իրականացվում է սահմանային ներկայացուցիչների անմիջական ղեկավարությամբ և այն Կողմի պետական օրենսդրության համաձայն, որի տարածքում տեղի է ունեցել սահմանային միջադեպը:

2. Սահմանային միջադեպի համատեղ հետաքննության արդյունքների մասին կազմվում է ակտ, իսկ անհրաժեշտության դեպքում՝ այլ փաստաթղթեր:

3. Սույն Համաձայնագրով նախատեսված լիազորությունների շրջանակներում սահմանային ներկայացուցիչները լուծում են մյուս պետության տարածքում հայտնված մարդկանց, դիերի, ընտանի կենդանիների և գույքի վերադարձի հարցերը:

4. Սահմանային միջադեպերը, որոնց շուրջ սահմանային ներկայացուցիչները չեն կարողացել գալ պայմանավորվածության, լուծվում են դիվանագիտական ուղիներով:

Հոդված 14

Սույն Համաձայնագրի դրույթների իրականացման նպատակով՝ Կողմերը փոխանակում են սահմանային ներկայացուցիչների գործունեության հատվածների վերաբերյալ տեղեկատվություն:

Փաստաթղթերի ձևերը (հավելվածներ №№1-5) հանդիսանում են սույն Համաձայնագրի անքակտելի մաս:

Հոդված 15

Կողմերի փոխադարձ պայմանավորվածության հիման վրա սույն Համաձայնագրում կարող են կատարվել փոփոխություններ և լրացումներ, որոնք ձևակերպվում են առանձին արձանագրություններով (փաստաթղթերով) և մտնում են ուժի մեջ համաձայն սույն Համաձայնագրի հոդված 18-ում նախատեսված կարգի: Նշված տեսքով ընդունված փաստաթղթերը հանդիսանում են սույն Համաձայնագրի անքակտելի մաս:

Հոդված 16

Սույն Համաձայնագրի դրույթների պարզաբանման և իրագործման ժամանակ ծագող ցանկացած վիճելի հարց լուծվում է Կողմերի միջև խորհրդակցությունների և/կամ պայմանավորվածության միջոցով:

Հոդված 17

Սույն Համաձայնագիրը չի վերաբերում Կողմերի իրավունքներին և պարտավորություններին, որոնք նախատեսված են այն գործող միջազգային պայմանագրերով, որոնց մասնակիցներ են հանդիսանում Վրաստանը և Հայաստանի Հանրապետությունը:

Հոդված 18

Սույն Համաձայնագիրն ուժի մեջ է մտնում անհրաժեշտ ներպետական ընթացակարգերն ավարտելու մասին վերջին ծանուցումն ստանալու օրվանից և գործում է մինչև Վրաստանի և Հայաստանի Հանրապետության միջև պետական սահմանի ռեժիմի մասին պայմանագրի ուժի մեջ մտնելը:

Հոդված 19

Կողմերից յուրաքանչյուրը կարող է դադարեցնել սույն Համաձայնագրի գործողությունը՝ գրավոր ծանուցելով երկրորդ Կողմին: Սույն Համաձայնագրի

գործողությունը դադարեցվում է 60 օրվա ժամկետը լրանալուն պես՝ երկրորդ Կողմի կողմից նման ծանուցումն ստանալու օրվանից:

Ստորագրված է ք. _____ « » _____ 201 թ. երկու օրինակով, յուրաքանչյուրը՝ վրացերեն, հայերեն և ռուսերեն լեզուներով: Բոլոր տեքստերն էլ հավասար չափով նույնական են:

Սույն Համաձայնագրի դրույթների մեկնաբանման ժամանակ տարաձայնությունների առաջացման դեպքում նախապատվությունը տրվում է ռուսերեն լեզվով տեքստին:

**Հայաստանի Հանրապետության
կառավարության անունից**

Վրաստանի կառավարության անունից

*Վրաստանի կառավարության և Հայաստանի
Հանրապետության կառավարության միջև սահմանային
ներկայացուցիչների, սահմանային կոմիսարների
գործունեության մասին Համաձայնագրի*

ԱՐՁԱՆԱԳՐՈՒԹՅՈՒՆ

սահմանային ներկայացուցիչների տեղամասերում գործունեության մասին

Վրաստանի կառավարության և Հայաստանի Հանրապետության կառավարության միջև Համաձայնագրից բխող սահմանային ներկայացուցիչների, սահմանապահ կոմիսարների գործունեության պարտականությունների կատարման համար, Կողմերը համաձայնվեցին հետևյալի մասին.

Սահմանային ներկայացուցիչների գործունեության տեղամասերը.

Վրաստանի կողմից.

սահմանային ներկայացուցչի համար _____ տեղամասում

(գտնվելու վայրը՝ ք.)

մինչև պետական սահմանների հատման կետը;

Հայաստանի Հանրապետության կողմից.

սահմանային ներկայացուցչի համար _____ տեղամասում

(գտնվելու վայրը՝ ք. _____)

մինչև պետական սահմանների հատման կետ;

Կատարված է ք. _____ <<____>> _____ 201__ թ. յուրաքանչյուրը վրացերեն, հայերեն
և ռուսերեն լեզուներով, երկու համարժեք օրինակներով:

Վրաստանի կառավարության և Հայաստանի
Հանրապետության կառավարության միջև սահմանային
ներկայացուցիչների, սահմանային կոմիսարների
գործունեության մասին Համաձայնագրի

ՍԱՀՄԱՆԱՅԻՆ ՆԵՐԿԱՅԱՑՈՒՑԻՉՆԵՐԻ, ՍԱՀՄԱՆԱՅԻՆ ԿՈՄԻՍԱՐՆԵՐԻ ԵՎ
ՆՐԱՆՑ ՏԵՂԱԿԱԼՆԵՐԻ ԼԻԱԶՈՐՈՒԹՅՈՒՆՆԵՐԸ

Կազմ - Պետության պետական զինանշան և անվանումը

Էջ 1 - ԼԻԱԶՈՐՈՒԹՅՈՒՆ

Էջ 2 -

Էջ 3 - Լուսանկար, կնիք, ստորագրություն

Էջ 4 - <<Վրաստանի կառավարության և Հայաստանի Հանրապետության
կառավարության միջև <<__>> _____ 201__ թ. սահմանային ներկայացուցիչների,
սահմանային կոմիսարների գործունեության մասին կնքված Համաձայնագրի>> հիման վրա

(անուն, ազգանուն, հայրանուն)

նշանակվել է սահմանային ներկայացուցիչ, սահմանային կոմիսար (սահմանային
ներկայացուցիչ, սահմանային կոմիսարի տեղակալ)

անվանումը)

(տեղամասի անվանումը)

(պետության

վրաց- հայկական պետական սահմանի տեղամասում և լիազորված է վերը նշված
Համաձայնագրում նախատեսված պարտականությունների կատարելու, դրա

կապակցությամբ իրավունք ունի անցնելու վրաց-հայկական պետական սահմանը և գտնվել
տարածքում

(պետության անվանումը)

(լիազորություններ ստորագրելու իրավունք ունեցող պատասխանատու անձի պաշտոնը)

(ազգանուն, ստորագրություն)

Կնիքի տեղը

թ. _____

_____ 201_ թ.

Էջ 5 - 4 էջի տեքստը _____ լեզվով

Էջ 6 -

հարակից երկրի սահմանապահ
ներկայացուցչի, սահմանային կոմիսարի կնիքի և
ստորագրության տեղը

(պետության անվանումը)

Էջ 7 -

Էջ 8 -

Վրաստանի կառավարության և Հայաստանի
Հանրապետության կառավարության միջև սահմանային
ներկայացուցիչների, սահմանային կոմիսարների
գործունեության մասին Համաձայնագրի

ՍԱՀՄԱՆԱՅԻՆ ՆԵՐԿԱՅԱՑՈՒՅՁԻ, ՍԱՀՄԱՆԱՅԻՆ ԿՈՄԻՍԱՐԻ ՕԳՆԱԿԱՆԻ
ԼԻԱԶՈՐՈՒԹՅՈՒՆԸ

- Կազմ - Պետության պետական զինանշան և անվանումը
- Էջ 1 - ԼԻԱԶՈՐՈՒԹՅՈՒՆ
- Էջ 2 -
- Էջ 3 - Լուսանկար, կնիք, ստորագրություն
- Էջ 4 - <<Վրաստանի կառավարության և Հայաստանի Հանրապետության
կառավարության միջև <<__>> _____ 201__ թ. սահմանային ներկայացուցիչների,
սահմանային կոմիսարների գործունեության մասին կնքված Համաձայնագրի>> հիման վրա

(անուն, ազգանուն, հայրանուն)

նշանակվել է սահմանային ներկայացուցչի, սահմանային կոմիսարի օգնական

(պետության անվանումը)

(տեղամասի անվանումը)

վրաց-հայկական պետական սահմանի տեղամասում և լիազորված է վերը նշված
Համաձայնագրում նախատեսված պարտականությունների կատարելու, դրա

կապակցությամբ իրավունք ունի անցնելու վրաց-հայկական պետական սահմանը և գտնվել
տարածքում

(պետության անվանումը)

Սահմանային ներկայացուցիչ, սահմանային կոմիսար

(պետության անվանումը)

(ազգանուն, ստորագրություն)

Կնիքի տեղը

ք. _____

_____ 201_ թ.

Էջ 5 - 4 էջի տերստը _____ լեզվով

Էջ 6 -

հարակից երկրի սահմանապահ
ներկայացուցչի, սահմանային կոմիսարի կնիքի և
ստորագրության տեղը

(պետության անվանումը)

Էջ 7 -

Էջ 8 -

Վրաստանի կառավարության և Հայաստանի
Հանրապետության կառավարության միջև սահմանային
ներկայացուցիչների, սահմանային կոմիսարների
գործունեության մասին Համաձայնագրի

ՍԱՀՄԱՆԱՅԻՆ ՆԵՐԿԱՅԱՑՈՒՑԻՉՆԵՐԻ, ՍԱՀՄԱՆԱՅԻՆ ԿՈՄԻՍԱՐՆԵՐԻ
ՔԱՐՏՈՒՂԱՐՆԵՐԻ/ ԹԱՐԳՄԱՆԻՉՆԵՐԻ ՎԿԱՅԱԿԱՆԸ

Կազմ - Պետության պետական զինանշանը և անվանումը

Էջ 1 - ԼԻԱԶՈՐՈՒԹՅՈՒՆ

Էջ 2 -

Էջ 3 - Լուսանկար, կնիք, ստորագրություն

Էջ 4 - <<Վրաստանի կառավարության և Հայաստանի Հանրապետության
կառավարության միջև <<__>> _____ 201__ թ. սահմանային ներկայացուցիչների,
սահմանային կոմիսարների գործունեության մասին կնքված Համաձայնագրի>> հիման վրա

(անուն, ազգանուն, հայրանուն)

հանդիսանում է սահմանապահ ներկայացուցիչ, սահմանապահ կոմիսարի

(սպաշտոնը)

վրաց-հայկական պետական սահմանի

(պետության անվանումը)

(տեղամասի անվանումը)

և իրավունք ունի անցնելու վրաց-հայկական պետական սահմանը և գտնվել
_____ տարածքում

(պետության անվանումը)

Սահմանապահ ներկայացուցիչ, սահմանապահ կոմիսար

(պետության անվանումը)

(ազգանուն, ստորագրություն)

Կնիքի տեղը

ք. _____

_____ 201_ թ.

Էջ 5 - 4 էջի տեքստը _____ լեզվով

Էջ 6 -

հարակից երկրի սահմանապահ
ներկայացուցչի, սահմանային կոմիսարի կնիքի և
ստորագրության տեղը

(պետության անվանումը)

Էջ 7 -

Էջ 8 -

Վրաստանի կառավարության և Հայաստանի
Հանրապետության կառավարության միջև սահմանային
ներկայացուցիչների, սահմանային կոմիսարների
գործունեության մասին Համաձայնագրի

ՊԵՏԱԿԱՆ ՍԱՀՄԱՆԻ ԵՐԿՈՒ ԿՈՂՄ ՄԵԿԱՆԳԱՄՅԱ ՀԱՏՄԱՆ ՎԿԱՅԱԿԱՆ

Էջ 1 - Վրաց-հայկական պետական սահմանի մեկանգամյա հատման ՎԿԱՅԱԿԱՆ

Էջ 2 - <<Վրաստանի կառավարության և Հայաստանի Հանրապետության կառավարության
միջև <<___>> _____ 201__ թ. սահմանային ներկայացուցիչների, սահմանային
կոմիսարների գործունեության մասին կնքված Համաձայնագրի>> հիման վրա

(անուն, ազգանուն, հայրանուն)

իրավունք ունի հատել վրաց-հայկական պետական սահմանը երկու կողմ

_____ տեղամասում և գտնվել _____
տարածքում
(տեղամասի անվանումը) (պետության անվանումը)

Վավերական է անձի ինքնությունը հաստատող փաստաթուղթ ներկայացնելու դեպքում:

Վավերական է _____ 201__ թ-ից

մինչև _____ 201__ թ.:

Սահմանային ներկայացուցիչ, սահմանային կոմիսար

(պետության անվանումը)

(ազգանուն, ստորագրություն)

Կնիքի տեղը

ք. _____

_____ 201_ թ.

Էջ 3 - 2 էջի տեքստը _____ լեզվով

Էջ 4 - հարակից երկրի սահմանային ներկայացուցչի,
սահմանային կոմիսարի կնիքի և ստորագրության տեղը

(պետության անվանումը)